

Firipai

Pas nda Por ai Firipaihündambo

sürü papimarandi

¹ Por ro Timoti-dibo Sisas Kraisiñdi moani ratüpurıye-rıhoandeimb-anehi. Se Godiñdi nendi Firipaihüñdi Sisas Kraisiñdi anıboadei asu anıhondümbö-rıhindeimbımbö hıfandı-rundeimbı asu farıhou-rundeimbı babıdımbö se muñguambo karıhasıhandür-aneı.

² Siñhefi Ape God asu Adükari Sisas Kraisiñdi ai sıheimbö moani hıpoambo-ndıneandürühi ñgusüfoambe afurıfımbı hohoanımo mbısabınandür-amboane.

Por ai Godımbö hıhıfımarüñdi

³ Ro sıheimbö hohoanımo-yahandürühi-ana sıheimbohüñda wandı Godımbö hıhıfıñdi arıhandı.

⁴ Ro sıheimbö muñguambohüñda muñguambo si Godımbö dıdıbafı-yahandowohü hıhıfı-hıhıfıya arıhandı.

⁵ Horombö se Kraisiñdi anıhondümbö-marıhorı ra hei-heimbö haponda asu ro aboedı hoafı bokari-hefemböñda wambo farıheñdiñdi arıhüñdi ranımböañdi ro Godımbö hıhıfarıñdi.

⁶ God ai ranı-sımböanıñdi piyu haya sıhei ñgusüfoambe aboedı ratüpurı ratüpurıyu humbö asu süñgunambo Sisas Kraisiñdi asükaindu kuduanıñdi ratüpurı ra moendıñdeambui, ro ranahambo türüfoarıhe anıhondümbö-rıheandı.

7 Ranimboane ro siheimbo yahurai hohoanimoayahı ra aboed-ane. Ro siheimbo ngusüfo pararıheandürı. God ai sihefimbo moanı hıpoamboareamunühi ratüpurı mamı masemünı. Nga ro haponda karabus-ambe anıamboahıyo asu horombo karabusi-fekoateyaheand-ambe manıamboahıyo aboedı hoafı ranahambo anıhondü nafuımbo asu nındou ngınındı anıhondümbo-fembo farıhehe arıhandı ra se wambo farıhehindırı arıhündı.

8 Ro siheimbo ngusüfoambe afındı hohoanımo-ayahandürı asu ranı hohoanımo ra Sisas Kraısındı-mayo-ane. Ro ranıambo anıhondümboanahı hoafayahı, nga God ai wandı hoafı ra anıhond-ane mbüsümbui.

9 Ro Godımbı dıdıbafı-yaheandühi sahiya, sihei ngusüfoambe nındou ngörümbo ngusüfo pefe ra afındı hamındı tükümbıfendür-amboane. Asu rananımbı se aboedı fıfırındıhindühi asu sihei hohoanımoambe ra sündıhoe-ndürımbıoe.

10 Rananımbı se hohoanımo yıbobondıhindühi aboedı hohoanımo ra fıfındıhimboyei. Süngunambo Kraıs kusü sımbıoanı ra se sürühehi-ndeımbı asu hütikoate-ndeımbıyei.

11 Sisas Kraısındı warı-süngu mbumundı hohoanımo sihei hohoanımoambe tükündıfewanı asu nımorehı nındowenihı ai hoeındıhindühi Godımbı aboed-anı mbıseımbıyei.

Por ai karabusımeıfyu ranıyo asu nındou afındı ai aboedı hoafı hımborımayei

12 Wandafı mamı, se ra fıfırımbıhında samboanahı, wambo karabusi-marundırı ra aboedı hoafı hoafıyo hombo mafarıhendı.

13 Ranimboane asu munḡu prisman ai Rom adükari bogori Sisarindi wori hifandimbo, asu bidifiri amuri amboani ai fifirihindi ro Kraisindi hoafi sünguarhandi ranimbohündamboyo wambo karabusi-marundi.

14 Anihondumbo-rihindeimbi wandafi afindi ai ro karabusi-meheandi ranimbo hohoanimomayi. Ranimboane asu Adükarimbo anihondumbo-rigorühi ḡusüfoambe kiki-mifoarihi hehi yihimbokoate-yehi asu Godindi hoafi wataporimborihü arihüdi.

15 Nga bodimondi nindou ai simbori hifinambofe-yomondühi wambo ḡusüfoambe moaruwaimbo-rundirühi Kraisindi hoafi bokarhou arundi. Nga bodimondi ai diboadoru hohoanimo-yomondühi Kraisindi hoafi bokarhou arundi.

16 Nga ro aboedi hoafi anihondü nafuimbohünda animboahi ra nindou ranai yaru fifirundi. Ranimboane asu ai wambo ḡusüfo parundirühi Kraisindi hoafi bokarhou arundi.

17 Nga bodimondi ai ahamundi-hoarimbo yangiri hohoanimo-yomondühi moai diboadoru Kraisindi hoafi bokarhou rundi. Ai hohoanimo-yomondühiya, 'Ro randihundan-animbo Porimbo karabus-ambe tihirifo tükümbifendowamboane,' mehomo.

18 Nga ambe, moanane masahi. Aboedi hohoanimonamboyo asu moaruwai hohoanimonamboyo, ai munḡumbo Kraisimbo bokarhou arundi. Ranimboanahi ro hihifi-hihifayahi.

Ranimboane asu ro hihifi-hihifinda ḡgamboyahi.

19 Nga asu ro yarthe fifirtheandi sihafididibafife asu Sisas Kraisindi Yifiafindi fehefe raninambo süngunambo karabus hininngindihe hehea tükündaheamboyah.

20 Ro afindi yifirayah ra Kraisindi ratüpur hininngi-ndiheandühi amoaninngi-ndamboyah sahehea, nga haponda hamindi ro yihimbokoate Kraisindi hohoanimo süngundthe ngamboyah horombo yarthe marhandi nou. Rananimbo ro yangiri animboahiyo asu yifayahyo ra Kraisimbo aboed-ani mbiseimboyei.

21 Asu nimboe ro yangiri animboahi? Ro yangiri animboahi ra Kraisimbo-hündamboane. Nga ro yifindahani, ra wambo aboedi saf-ane.

22 Ro yangiri animboahi ana, ranani ratüpur aboedi ratüpur-ndamboyah. Ro yifayahyo asu yangiri animboahiyo nine aboedayo ra moai fifirtheandi, nga nahanimbai?

23 Ranahambo ro yiboboarhandi. Ro Krai sowanambo hafo ai-dibo nimarimbo asahi, ra aboed-ane.

24 Nga asu sheimbo fehefendürimbo hifi ndanihü animboahi ranai ngasünde-amboane.

25 Ro wudipoaporthe fifirartheandi nda, ro ndanihü se-babidimbo nimboambo sihei hihifi-hihifi asu anihondümbofe ra ho-hombo afindi tüküfembohünda fandthe-heandürimboyah.

26 Ranimboane asukai sheimbo sowahi ngahani se wandi süngu Kraisimbo afindi hamindi siaondahindühi ngusüfoambe fufuriboadi-himboyei.

Firipaihündi Por-babidimbo rani ratüpurimbo tiriifo-mbeyei-amboane

²⁷ Nga se aboedi hohoanimo yangiri süngundhi ndühündi, Kraisindi aboedi hoafi hoafimayo nou. Nga raninambo ro siheimbo sowahi tükünda-heandühindoani wanindoani, hoafi nda randihe himborinda samboanahi. Se mam moatükunimbo yangiri hohoanimoyeihi nginindihümi ndi ni boadei. Asu aboedi hoafi ra anihondümbefe hohoanimo ranahandi nimindihane, nga se mam hohoanimo yangiri siŋgurihindühi anihondümbefe ra fehefembo tiŋirifoyei arihündi ra himborinda samboanahi.

²⁸ Nga se sihei hürütümbimbo yihimbokoate ngei. Se randahindani ana, aheimbo nafuindahündürimboyei ai awandihelimboyei, nga se aboedambondahi handihelimboyei. Nga God ai ra randeambui.

²⁹ Sapo se Kraisimbo anihondümborihinda God ai Kraisimbohünda siheimbo ndondomareandüri. Se Kraisimbo anihondümbefembo yangiriyo-poani, nga asu ahamböhündambo asübusi semindimbo kapeihyo ndondomareandüri.

³⁰ Nga asu horombo ro se-babidi nimboahambe ro Godi ndi ratüpurü tiŋirifomayahi ra se hoeimarihindi. Nga haponda ro ahandi ratüpurü tiŋirifoayahi ra se himborayei. Nga haponda se ro nahurai tiŋirifoayei.

2

Sihiri sihefihoari moananefi mbisefüh-animbo wandafi mamimbo hohoanimo-ndahündürimboane

¹ Krai se-babidi nungumbo sheimbo nginindi sagaduri arandi raninambo se nginindi aniboadei. Ai sheimbo ngusüfo pareandura se ngusüfoambe afurahi amarei. Se Yifiafi Aboedibabidi wudiyehi asu se nindou ngorumbo aboedi hohoanimoeyehi hipoambo-arihindi.

² Ranimboane asu wambo afindi hihifi-hihifimbohündambo, mamihohoanimo süngundihindühi, sheihoari simbori ngusüfo pefirindeih, mamihohoanimo süngundihindi.

³ Se sheihoari yangiri hohoanimondeihiniñondi-ndeimboyei. Nga se shei fi hifinambon-dihindühi bodimondamboya, ai ndeari hamind-anei mbisei.

⁴ Se shei ranani moatükunimbo yangiri diboadofemboane mbiseimboyei, nga bodimondi-yafe ranani moatükun kapeihü diboadofemboane mbisei hohoanimondei.

*Krais ai ahandihoari fi hifinambo-mareanda
God ai adükarimbomariri*

⁵ Sisas Krai ai hohoanimomayu rahurai se mandihisüngundihindi.

⁶ Koadürumbo-koadürumbo Krai ai Godani, nga ai moai God nahurai niñgombo ra kikihamindu, nga moani hinñgimareandi.

⁷ Nga God nahurai niñgombo ra ai ahandihoari hinñgimareandi, asu moani ratüpuriyurandeimbi nahurai hohoanimo masemüdu. Nindoumbofi tüküfi nungumbo, asu nindou-yafe fi wusindamündü manügu.

⁸ Nindou ranahambo nindou nahurayiu hoeimarihori, nga ahandi fi hifinambore hayambo Godindi hoafi süngura humbo

yifimayu. Yiní, nímí keimbí karíhe-ndeimbífihi yifimayu.

⁹ Ranímboane asu God ai ahambo serümündü hafu nímooamo híngírírúhí, asu muŋguambo ŋasündeandeimbí bogorí kamafoarirí.

¹⁰ Ranímboane asu nímooamoníndí, hífníndí, hífi hoarehíndí nendí muŋguambo ai yirímbo pusíndíhi Kraisíndí hoarehí nímamdeimboyei.

¹¹ Asu muŋguambo ai Sisas Krai Adükari Bogor-ani mbíseimboyei. Ranímbo-hündamboane ndürí adükarümb-ani mbíseimboyei.

Síhírí ŋgorü nindou-yafe mbusümo si nahurai-ndefomboane

¹² Ranímboane asu ŋusüfo paríheandüreimbí mamí, ro se-babídímbo nímboahambe se nímbi-nímbsi wandí hoafí hímborí-yei maríhündí. Nga haponda se-babídí nímarikoate-yahambe se wandí hoafí ra süngundíhi ŋei. God ai síheimbo aboedambo-mareandürí, nga ratüpurí ra moendífembohünda se aboedí hamíndí nímariímbohündambo búbüríŋíndahi ŋei.

¹³ Sapo níní-moatükunímboyu God ai yifirayu ra se yifiríyo hefe ratüpurímbohünda faríhendürí arandí.

¹⁴ Muŋguambo moatükuní se ratüpuríndeihi ŋgírí yiboaruko hoafíndeihiímbo símborí-símboríndei.

¹⁵ Ranímbo-hündambo se moaruwai hohoanímokoate-yeimbíndeihi asu Godíndí aboedí sürühehindeimbí nímorí nímboeimboyei. Hífníndí nímoréhi nindowenihí ai

dibo adofekoate-yeimbi moaruwai ho-
hoanimoeyeri-hündeimb-anei. Nga se aheimbo
yangiri ningombo hoafi hoafindeiani, se ahei
mbüsumo niboadeimbo sindeimboyei mupui
nimbokoani siayo nahurai.

16 Se rahurai randihindani, aheimbo yangiri
ningombo hoafi hoafindeiani, Krais ai asukai
kuduan, rasimboani ro sihemböhündambo
hififi-hififindahühi hoafindamboyah, 'Ro
moani hoangirihetiñirifo-yahühayahipoani.'

17 Se Godimbo anihondumbo-rhorühi
ratüpuriyei arihündi ranimbo God ai hififi-
hififayu se ahambo sesi shefembo nahurai-ane.
Wambo hifokarahindiri ana, ra ro se-babidi
Godimbo sesi shefembo nahuraindimboe asu
se-babidimbo hififi-hififindamboyah.

18 Raninambo asu se-amboani ranahambo ro-
dibo hififi-hififindei.

Timotindi hoaf-ane

19 Adükari Sisai yifirayu ana, ngiri amitata
Timoti sheimbo sowanambo koandihina
düdü sahehea hohoanimoayah. Rananimbo
asu ai asukai düdü sheimbohündambo
wambo hoafinduan, ro ngusüfoambe hififi-
hififindamboyah.

20 Nindou ngörü moai rahurai nüngu,
nga Timoti yangiri-ani ro mamihohoanimo
sünguarhoandi. Sheimbo farihendürimbo ai
afindi hohoanimoayu.

21 Bodimondi ai aheiharimbo yangiri
hohoanimoeyeri arihündi, nga Sisai Kraisindi
ratüpürimbo moai hohoanimoeyi.

²² Nga se yar+hi fifi+r+hindi, Timoti ai nin-dou aboed-ani. Aboedi+ hoafi+ hoafi+mo wambo mafar+hendi+ri, ni+mor+ ai ranan+ moatükun+ ratüpur+imbo af+ndambo afar+heirü nou.

²³ Ran+imboane asu ni+ni+moatükun+ tüküfemboayo ra nüngund+he fifi+nd+he mbund+hambo-animbo, ni+mai koand+hehinan+ si+heimbo sowanambo mbüsünuwa asahi.

²⁴ Ro türüfoari+he an+hondumbo-r+heandi Adükari+ ai yifirayu ana, ngi+ri amitata ro-amboan+ si+heimbo sowana did+ihi.

Epafroditus+nd+ hoaf-ane

²⁵ Epafroditus+imbo si+heimbo sowanambo koehefiwa si+imbo hohoan+moayah+. Ai si+hefi wandaf-ani, nga ai ami nahurai wand+ mam+ ratüpur+iyu-randeimb-ani. Wambo far+hefend+ri+imbo sei hehi, koamar+hehora wambo süni+imbo mafar+hendi+ri.

²⁶ Si+heimbo hoeifembo af+nd+ hohoan+moayu. Se ahambo an+gün+mbomayu hoafi hi+mbor+mayei ranahambo fifi+re hayambo asu si+heimbo af+nd+ hohoan+mo-mayundüri.

²⁷ An+hond-ane, horombo an+gün+imboyuhü ndearambo ak+i+mi ham+nd+ y+i+fi+imbo yang+i+rimayu. Nga asu God ai ahambo hi+poamborirühi di+boadomarira asu aboed+mefiyu. God ai moai ahambo yang+i+ri hi+poamboriri+, nga wan+. Nga ai wambo amboan+ hi+poambo-mareandi+ri, ni+mboe ro af+nd+ hohoan+momayah+, nga asu ai y+i+fi+imbei-mbonana, ro af+nd+ ham+nd+ hohoan+moya.

²⁸ Ran+imboanahi+ ahambo koehefi+imbo af+nd+ ham+nd+ hohoan+moayah+ ranan+imbo se

asükai hoeindihorühi hihifi-hihifindeimboyei. Rananimbo asu ro siheimbo afindi hohoanimokoate-ndamboane.

²⁹ Ranimboane asu se hihifi-hihifinambo Epafroditus ndahorimindei Adükariimbo anihondumbo-rihoreimbi ai anihondumbo-rihindeimbi asahorimindei nou. Se yahurai nindoumbo ndüreimb-anemo mbisei.

³⁰ Ai Kraisindi ratüpuri ratüpuriyuhü ndeara akimi hamindi yifiyuane, nga ai moai ahandi fimbo ndorihefe niñgombo hohoanimoyu. Nga wani. Se wambo fehefendirimbo masei, nga ngirindei. Nga sihei-mayo fehefe ra wambo saimbohünda ahandi anguni ra karefarihoei hayambo ahandi ratüpuri ratüpuri mayu.

3

Nindou didiyei Kraisimbo anihondumbo-arihori ana, ai mbumundi hamind-anei

¹ Wandafi mam, hoafi nda moendifembohünda randihe hoafinda samboanahi: Se Adükari-babidi animboei asu ranahambo se hihifi-hihifindei. Ranimoatükunimbo asükai siheimbo sürü papimbo ro moai yiboarukoyahi, nga ro siheimbo fandihheandürimboyah.

² Nindou afoendi yafori nahurai ratüpuri moaruwai ratüpuriyomo-rundeimbi ahamumbo se hibadihumbo. Rani nindou ai hütihütirundürühi hoafiyomondühiya, 'Sihiri munguambo Suda rarihi arihündi süngu sihefi fi-hoeari kandihu tindihumboane,' mehomondüri.

3-4 Nga Kraisimbo anihondumbo-rihuri arihundi sihiri Godindi mamisiri hond-anefti. Nimboe sihiri ahandi Yifiafnambo ahambo hihifi-hihifimbo kakisaorihurühi asu Sisas Kraisimbo ndüri adükareimbani sefi arihundi.

Nindou düdi ahandi fimbo moatükunimbo yangiri türüfoare anihondumbo-areandi ranahambo ro ngasündi-hinimboanahi.

5 Wambo me ai wakimara-mindindiri ra 8 siyo hayamboyoane, wandi fi-hoeari karu tirimari-hoemondiri. Nga asu ro Israerihündi Bensaminindi sirambeahind-anahi. Ro Hibruhünd-anahi asu wandi meape amboa Hibruhünd-anafe. Nga ro ndorthe Farisi-yafe ahinümbi hohoanimo ra süngurthe marhi hahi.

6 Ro ahinümbi hohoanimo süngufembo hütihütia habodihühiyahi asu Kraisindi nendi aheimbo moaruwaimbo-martheandüri. Nindou ai Suda-yafe ahinümbi hohoanimo ranahambo hohoanimoeyi asu wandi hohoanimo ranahambo yibobomarhind ranahambo ro hütikoate-yahi.

7 Horombo rani-moatükun ra wambo ndorhoayo-weimbi hondü hamindi-mayo, nga asu haponda Kraisindi süngumbo rani-moatükun ra moanane asahi.

8 Roana Suda-yafe moatükun ranahambo moanane yahombo yangiriyahipoani, nga wani. Nga munquambo moatükun ranahambo moanane asahi Sisas Krais wandi Adükarimbo fifirari-hinimbohünda. Rani-moatükun-ane ai afindi hamindi hondayo, nga asu munquambo aboedi moatükun hifi ndanihünd-ambo ranana ai yafisühumi nahurai-ane. Roana Kraisimbo yangir-anahi süngumbo hohoanimoayahi, nga

asu bidifiri amuri moatükuni ranana hiniŋgi-maritheandi, nga asu rananimbo ro Kraisimbo yangiri kikihi safindi-humindimboyahi.

⁹ Ro ahinümbi hohoanimo sünguritheandi ana, wambo mbumund-ani mbiseiani, ra moanane, asahi. Nga ro Kraisimbo anihondumbo-aritheandi ana, God ai wambo mbumund-ani mbüsüani, ra aboed-ane.

¹⁰ Ro Kraisimbo ndondihini fifirindhini samboanahi. Ai yifihündi botimefiyu, rani ŋginindi ra fifirindihea samboanahi. Kraisi ai tiŋirifo masemünda asu ro-amboani waboadihinimbo tiŋirifo ndahamindi samboanahi. Ai hohoanimo yimbu, yifimayu nou, ro-amboa rani süngundahea samboanahi.

¹¹ Ro rani-süngundihe heheambo-animbo ro-amboani yifihündi botindaheamboyahis sahehea-mboanahi hohoanimoayahis.

Por ai tükufembo-yowami tükufembohünda pipimayu hu

¹² Ro Kraisindi hohoanimo moai muŋguambo sünguritheandi asu nafirihamindihis, nga wani. Ranimbo-hünda awi ro tiŋirifoayahis muŋgumboyahis tükufihis takini semindimbohünda. Nga ranimbo-hünda moyu Kraisi ai wambo wand-ani, mehu.

¹³ Nga wandafis mami, ro hohoanimoayahis, moai awi muŋguambo tüküyaheandi, nga ro mami moatükuni yangir-ane süngurithe arihandi. Wandis horombodidi hohoanimo ra moanane asahi, asu süngunambo Kraisi nahurai ndorihoeimbi niŋgombo rani hohoanimo tiŋirifoayahis.

14 Ro munḡumboyowami tüküfembo hütihütiaiyahi napo semindimbohündambo nahurai. God ai Kraisindı warı-süḡguyu wambo hoafımeındırı sünambe God-dıbo nıḡgombohünda ra napo nahurai-ane.

15 Sıhırı dıdıyefı hohoanımo ḡḡınındı kükühi-foarıhundeimbayefı ana, sıhırı amboa hohoanımo yahurai randıhu hohoanımo-ndefomboane. ḡḡa bıdıfırı se hohoanımo ra mamı süḡgufekoate-ayeı ana, God ai sıheimbo ranı hohoanımo ranahambo korıboadeandürümbui.

16 ḡḡa sıhırı aboedı hohoanımo sahumındefı-mboanefı ranı hohoanımo ra kıkıhısafı-ndıhumındefı-mboane.

17 Wandafı mamı, se munḡuambo wandı hohoanımo ndanı-süḡgundıhindı. Sıheimbo aboedı hohoanımo nafuımari-hündürı. Nındou ai ranı hohoanımo rasüḡgurıhi arıhündı ranaheimbo dıboadondıhi hoeındıhindürı mbundıhü-mboanımbo, se-amboa rasüḡgundıhi ndühündı.

18 Horombo sıheimbo afındımbo hoafımehandürı, ḡḡa haponda aranı hımbaohombo-rıhamındıhühi hoafayahi. Nındou afındı ai moaruwai hohoanımo süḡgurıhi arıhündı asu ranınambo Kraıs nımi keımbı karıhe-ndeımbıfıhi yıfımayu ranahambo daboadı hıhırıma-rıhindı.

19 Süḡgunambo nındou ranai ana awarındı-hehimboyeı. Nını-moatükunı ai yıfırayeı ranı-moatükunı-mbo yangırı hohoanımo yeı arıhündı ra ahei god nahurai-ane. Ahei amoanıḡḡümbı hohoanımo ranahambo borıyeı rıhündühi asu

hifinindi moatükuni ranahambo yangiri ho-
hoanimoeyi arihündi.

²⁰ Nga sifehi ngoafi hondü ana sünambe-ane.
Adükari Sisas Kraiss sifehimbo aboedamborea-
muni-randeimbi ai sünambeahindi kosimboayu
ra hifandarhundü.

²¹ Ahandi nginindinambo ai mungu-
moatükuni ra ahandi hoarehindimboe. Asu
mami rani nginindinambo ai sifehi fi moaruwai
fiyoweimbi ra hihiri-boadeanda asu ahandi
rani-poanimbo fiayu nahurai tükündahu-
mboyefi.

4

*Hihifi-hihifindeihi wudindeih aboedi
hohoanimo süngundihindi*

¹ Ranimboane asu se Adükari-dibo aniboadei
ra se nginindihümündi niboadei. Ngusüfo
pariheandüreimbi, ro sheimbo afindi
hohoanimoayah. Sheimbo ro hihifi-
hihifiyahühi asu ngusüfoambe yibidafoa-
riheandi.

² Yuodia-ane asu Sindiki-ane, sifahembo hüt-
hoafayah, se Adükari-dibo animbafe, nga se
wudi-wudindefineandi.

³ Nga se ro-dibo ratüpuriyafi-randeimb-anafi
sishambo hoafayahan, “Nimorehi yimbu
ra fandihawapiri,” masahi. Kremen asu
wandi mami ratüpuriyei-rihündeimbi babidi
nimorehi yimbu ai tihirifo-mayafe aboedi hoafi
hoafimbohünda. Horombo God ai ahei ndüri
mungu koadürumbo yangiri niingombo bukambe
sürü papimarandi.

4 Se Adükari-dibo amarei, nga rananimo munguambo si hihifi-hihifidei. Asukai hoafayah, se hihifi-hihifidei.

5 Nindou bodimondi shei himboari hoafendi hohoanimo hoeimbrhind-amboane. Nga ngiri amitata Adükari ai kudu.

6 Se ngiri nini-moatükunimo afindi hohoanimondei. Nga nini-moatükuni sheimbo fehefemböhündambo se Godimbo hihifindihorihü didibafi-ndahindo.

7 Rananimo asu se Krais-dibo nimandaimbo Godindi afurife hohoanimo ranai shei hohoanimoambe asu ngusüfoambe ra nginindamindimboe. Afurife hohoanimo ra nindou ai ngiri aboedi fifindihindi.

8 Nga wandi bidifirani hoaf-ane nda: Aboedi hohoanimo asu hohoanimo ranahambo nindou aboed-ane sei arihündi ranahambo se hohoanimondei ndühündi. Hohoanimo ra anihond-ane, ndondofeimb-ane, diboadorihoeimb-ane, sürühoeimb-ane, aboedi saf-ane asu hohoanimo ranahambo aboed-ane asei, rani hohoanimo ranahambo nimbiniimbisi se hohoanimondei.

9 Ro wataporimbo-marhandi asu yamundi-marhanduri ra se fifirihimboane asu nini-moatükuniyo ro ramarheandi ranahambo himborimayeiyo asu hoeimarhindiyoy munguambo ra se süngundhi ndühündi. Se randihindani, God afurife hohoanimo saimunirandeimbi ai se-babidi nimandümbui.

Ahei-mayo fehefe ranahambo Por ai hihifimaranduri

10 Haponda se asükaiyei wambo hohoanimoyeih mafarhehindiri. Ranimboanahi

Adükari-dibo hihifi-hihifayahî. Horombo se wambo farifehe-ndirimbo sei marihündi, nga nüngundihî mafandihendiri.

11 Ro moai rananîni moatükunimbo mbonimbo-rîhamîndî hehea hoafiyahî, nga wanî. Nga ro fifirîhe-amboanahî nîni-moatükunî wambo tükefeyo ranahambo ro moai afîndî hohoanîmoyahî.

12 Ngorü-simboa ro napo mbonimbo-rîhamîndî, asu ngorü-simboa napo afîndeimbiya ranî-moatükunî ranahambo ngîrî afîndî hohoanîmondahî. Nîni-moatükunî tüküfeyo ranahambo ro moai afîndî hohoanîmoyahî, nga aboedî nîmarî arîhandî ra ro fifirîheandî. Ro sahasî heheambo nahurai-mbayahîyo wembopo nahurai-mbayahîyo, afîndîmbayo akîdoubayoy ranî-moatükunimbo wanjei-ane asahî.

13 Krais ai wambo ngînîndî masendîra, asu ranîna ro munğu moatükunî ra randîheamboyahî.

14 Nga wambo moaruwai tüküme Feyoa, se marifehendiri ra aboed-ane.

15 Firipaihündî se-amboa yarîhi aboedî fifirîhindî, horombo ro peya hehea, Godîndî aboedî hoafi ra bokari-hefembohünda, Masedonia hîfi hîniîngî-marîheandî. Rasimboa Kraisîndî nendî ngorü ngoafihündî wambo moai farîhehendiri, nga se yangîrî farîhehendiri hehi wambo kaki masehendiri.

16 Ro Tesaronaikahü nîmarîhambe bidîfirî moatükunî mbonimbo-marîhamîndîha, rasimboanî se yahunümbimbo farîhehendiri

marihündi.

¹⁷ Ro moai sihei-mayo napo semindimbo yangiri hohoanimoyahi, nga wani. Nga se wambo mafarihendirir ranahambo God ai siheimbo aboedimbireandür-amboane asahi.

¹⁸ Sihei-mayo mungua-moatükuni masa-hamindih. Ra akidouyopoani, nga adükar-ane. Epafroditus sihei-mayo moatükuni semündü süni wambo masendir, ranane asu ro afindi engoro. Sihei-mayo moatükuni wambo masehendir ra Godimbo aboedi fisiharü moatükuni saimbo nahurai-ane. Rani hohoanimo ranahambo God ai aboed-ane yahuhaya hihifi-hihifayu.

¹⁹ Se nini-moatükuni mbonimboa-rihümündi ra wandi God ai ahandi napo afindeimbi saf-ane ra Kraisindi süngu siheimbo dagadürimbui.

²⁰ Sihifi Ape Godimbo koadürümbo-koadürümbo aboed-ani mbisefomboane. Anihond-ane.

Hihifi hoafi

²¹ Godindi nendi Krai Sisababidi aniboadei aheimbo hihifarihündür. Bodimondi wandafi mam ro-babidi amarei, siheimbo amboani hihifarihündür.

²² Godindi nendi ndanihu amarei siheimbo hihifarihündür. Romi-yafe bogori adükari Sisarindi worambe ratüpurıyei-rihündeimbi ai-amboani siheimbo hihifarihündür.

²³ Adükari Sisas Krai ai siheimbo moani hipoambo-mbireandür-amboane.

Godꞏndꞏ Hoafi
The New Testament in the Angor language of Papua
New Guinea
Nupela Testamen long tokples Angor long Niugini

Copyright © 2001 The Bible Society of Papua New Guinea

Language: Angor

Contributor: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-01-07

PDF generated using Haiola and XeLaTeX on 18 Apr 2025 from source files dated 31 Aug 2023

c500d379-d0cf-5c22-9613-91d7bcc63af3